

# Сафнинг тўғрилиги намознинг чиройидандир!



16:30 / 24.06.2021 1266

1. Расулуллоҳ соллаллоҳу алайҳи васаллам бизга юзланиб: «Сафларингизни тўғриланглар, етишиб-етишиб туринглар. Мен сизларни ортимдан ҳам кўриб тураман», дедилар».

*Имом Бухорий ривояти.*

2. «Набий соллаллоҳу алайҳи васаллам: «Сафларингизни текисланглар, чунки намознинг тўқислиги сафни текислашдандир», дедилар».

*Имом Бухорий ривояти.*

3. Расулуллоҳ соллаллоҳу алайҳи васаллам: «Сафларингизни тўғриланглар», дедилар».

*Имом Бухорий ривояти.*

4. Расулуллоҳ соллаллоҳу алайҳи васаллам:

«Намозда сафни тўғри қилинглар, чунки сафнинг тўғрилиги намознинг чиройидандир».

*Имом Муслим ривояти.*

5. Расууллоҳ соллаллоҳу алайҳи васаллам намозда (қўллари билан) елкаларимизни тўғрилаб, «Текисланинглар. Нотекис турманглар, қалбларингиз қарама-қарши бўлиб қолади. Менга эс-ҳушли ва ақллиларингиз, сўнг улардан кейингилар, сўнг улардан кейингилар яқин турсин», дер эдилар.

Мана бугун сизлар эса қаттиқ ихтилофдасиз».

*Имом Муслим ривояти.*

Изоҳ: Абу Масъуд розияллоҳу анҳу бу гапда ўша пайтда авжига чиққан ихтилофларни назарда тутган бўлса-да, унинг маъноси умумийдир, яъни «Намоздаги сафларингиз дуруст бўлмай, паст-баланд бўлиб кетганидан қалбларингиз қарама-қарши бўлиб, ихтилофга шўнғиб кетдингиз», демоқда.

6. Расууллоҳ соллаллоҳу алайҳи васаллам шундай дедилар:

«Сафларингизни тўғриланглар. Сафни тўғрилаш намознинг мукаммаллигидандир».

*Имом Муслим ривояти.*

7. Расууллоҳ соллаллоҳу алайҳи васаллам: «Сафларни тўлдиринглар», дедилар».

*Имом Муслим ривояти.*

8. Расууллоҳ соллаллоҳу алайҳи васаллам: «Текисланинглар, текисланинглар, текисланинглар», дер эдилар.

*Имом Насаий ривояти.*

9. Набий соллаллоҳу алайҳи васаллам:

«Сафларингизни жипслаштиринглар, уларнинг орасини яқинлаштирингиз, бўйинларни баробарлаштиринг», дедилар».

*Абу Довуд ривояти.*

10. Набий соллаллоҳу алайҳи васаллам:

«Сафларингизни түғри қилинглар, Аллоҳга қасам, сафларингизни түғри қиласизлар ёки Аллоҳ қалбларингиз орасини бир-бирига қарама-қарши қилиб қўюр», дедилар».

*Абу Довуд ривояти.*

11. Набий соллаллоҳу алайҳи васаллам:

«Сафларни түғриланг! Елкаларингизни тенглаштириңг! Очиқ жойларни тўлдириңг! Биродарларингиз қўлига мулойим бўлинг! Шайтон учун очиқликлар қолдирманг! Ким сафни етказиб турса, Аллоҳ ҳам уни (муродига) етиштиради. Ким сафни узса, Аллоҳ ҳам уни узади», дедилар».

*Абу Довуд ривояти.*

**Манба: [arabic.uz](http://arabic.uz)**